

باغلارسه كز سمداه باغلانمش اولور . و يرده هر نه چوزرسه كز سمداه
 ١٩ چوزلش اولور ✽ يته سزه ديرمكه سزدن ايكي كشي يراوزرنده
 اتفاق ايدرك هر نه شي حقهده اولورسه اولسون طلب ايدرلر ايسه
 ٢٠ انلره سمواتده اولان پدرمدن مساعده اولنه ✽ زيرا ايكي ياخود اوچ
 كشي بنم اسمم ايله هر نرده جمع اولورلر ايسه بن دخى اوراده
 انلرك اورته سنده ايم .

٢١ اوزمان بطرس انك يانته كلوب يارب قرن داشم بكا خطا ايتسه
 ٢٢ قاچ دفعه اكا عفو ايديم يدي دفعه يه دك مى ديدى ✽ عيسى اكا
 ديديكه بن سكا يدي دفعه يه دك دكل اما تمش دفعه يدي يه دك
 ٢٣ ديرم ✽ انك ايچون ملكوت السموات بر ملكه تشبه اولمشدر كه
 ٢٤ كندى خدمه سبله محاسبه ايتك استرايكن ✽ محاسبه يه باشلا نجه
 ٢٥ اون ييك يوك افچه بور جلو بر كسنه اكا كتور يلوب ✽ هر قومك ادايه
 قدرتى اولمديغندن انك ايله زوجه سى و اولادى و هر نه سى
 وار ايسه صاتلوب (بورجينك) ادا اولمنسه افنديسى امر ايتدى
 ٢٦ ✽ ايمدى اول خدمتكار يره دوشوب اكا تمنا ايدرك اى افتدم حقهده
 ٢٧ صبر ايله و سكا هپسنى ادا ايديم ديدى ✽ ايمدى اول خدمتكاره
 افنديسى هر جت ايدوب انى صاليو يروب بورجنى باغشلا دى
 ٢٨ ✽ اما اول خدمتكار طشره يه چيقوب كنديسنه يوزدينار بورجلو
 بر قيو يولداشنى بولدى . وانى بوغازندن طوتوب بكا اولان بورجكى
 ٢٩ ادا ايله ديدى ✽ ايمدى اول قيو يولداشنى بونك اياغنه دوشوب
 ٣٠ يالواره رق حقهده صبر ايله سكا هپسنى ادا ايديم ديدى ✽ اول
 دخى استمدى اما واروب تا بورجنى ادا اينجيه دك انى حبسه
 ٣١ القا ايتدى ✽ ايمدى انك قيو يولداشلى واقع اولاننى كورد كده